

fasse misericorde, fuy moy dedans la foy, & fay toy instruire [110] dés que nous ferons arriuez. Ils se mettent en prieres, ils reprennent leur charge, pourfuiuent leur chemin: & cette guerifon si extraordinaire fut scelée de la marque de celles qu'on doit attribuer à Dieu feul, ramenant à nos Peres vn bon catechumene d'vn mauuais infidele.

Mais la ferueur du zele qui anima l'Eglise des Nipiffiriniens hyuernante en ce mesme lieu, me paroît vn effet non moins sensible des graces abondantes du Saint Esprit, sur cette Mission qui l'a pris nomment pour son protecteur, & qui porte son nom.

Tous les Demons & tout l'Enfer s'estoient ce semble déchaifnez contr'elle: les infideles & tous les parens des Chrestiens s'opposoient à leur foy avec tant d'opiniaftreté; qu'vn iour se voyans tous ensemble, également lassez de tant d'attaques, ils sembloient perdre cœur & succomber dedans ces peines. Leur silence profond à tout ce que nos Peres pouuoient dire pour les encourager, leurs visages abbatus, & leurs soupirs plains de langueur, qui estoient toute leur responce, montroient [111] assez la violence de la tentatiõ, & le peu de resolution qui leur restoit pour soustenir le reste de l'orage qui alloit tousiours augmentant. Nos peres voyans que leurs paroles n'entroient pas iufqu'au fond de l'ame, ont leur recours à la priere & à l'affistance du Ciel. Apres vn long silence de part & d'autre, voila tout d'vn coup ces Chrestiens éclairez tous ensemble d'vne lumiere qui leur descend du Ciel, qui remplit leur esprit, & anime leur cœur d'vn courage qui leur est inconnu. Et quoy! dirent-ils tous de compagnie, où sommes nous? Que pensons-nous? Puisque Dieu se met avec